

victualibus, aliisve fructibus infra Mensem postquam fructus ipsi collecti fuerint, eisdem Archipresbitero et Capitulo vel eorum procuratori pro eis, nullum aliud super hoc a nobis expectantes mandatum, pro anno presentis quartedecime Indictionis, et in antea Annis singulis absque difficultate qualibet persolvere, et exhibere curetis; et Recipiat is exinde pro vestri cautela, ydoneam apodixam. Scituri pro certo, quod si iuxta presencium formam, in prescriptis terminis eisdem Archipresbitero et Capitulo huiusmodi quartam partem decime, tarenos et ceram non solveritis, Nos duplum illius quantitatis pecunie, vel victualium, aut fructuum, in cuius exhibicione vel solucione defeceritis, ad quod vos ex nunc Nostre Curie condempnamus, nec non expensas, et dampna, que iidem Archipresbiter et Capitulum incurrerent propterea, et ad que restituenda eis ex nunc vos teneri decernimus, extorqueri a vobis, tam pro nostra Curia, quam pro ipsis irremissibiliter faciemus. Non obstantibus quibuscumque mandatis sub quacumque forma verborum factis, vel in posterum faciendis, per que posset ipsarum quarte partis decime, tarenorum, et cere solucio, vel exhibicio differri, diminui vel aliquatenus impediri. etiam si plenam et expressam de verbo ad verbum facerent de presentibus mencionem. Quamvis talia mandata contraria deo favente, nostrumque benigne prosequente propositum, facere nullatenus intendamus. Resignaturi predictis Archipresbitero et Capitulo vel eorum procuratori. pro eis presentes licteras, postquam in puplicam formam pro vestri cautela feceritis redigi, quas tam ad vos presentes, quam ad alios successores vestros, eamdem vim volumus obtinere. Datum Neapoli per Magistros Rationales (*inchiostro diverso*). Magne Curie Nostre, Anno domini Millesimo Trecentesimo primo, die decimo Iunii. Quartedecime Indiccionis. Regnorum nostrorum anno septimo decimo.

*N. B. — Su uno dei due pezzi di carta bombacina che coprono il sigillo rotto, attaccato ad una fasciola della pergamena, in epoca posteriore è scritto:*